



SLUŽBENI GLASNIK

OPĆINE KALESIJA

Godina: XXVI

Srijeda, 05.02.2003. godine
K A L E S I J A

Broj 1

OPĆINSKO VIJEĆE

1

Na osnovu člana 32. Zakona o lokalnoj samoupravi ("Sl. novine TPK" br. 6/98 i "Sl. novine TK" br. 13/99 i 7/02), te člana 36. Statuta općine Kalesija ("Sl. glasnik općine Kalesija", br. 9/98 i 5/99), Općinsko vijeće Kalesija, dana 30.01.2003. godine, d o n o s i

ODLUKU

o davanju na korištenje Vodovodnog sistema Kalesija JP "Vodovod i kanalizacija Kalesija" Kalesija

Član 1.

Ovom Odlukom daje se na korištenje, Vodovodni sistem Kalesija Javnom preduzeću "Vodovod i kanalizacija Kalesija" Kalesija, sa pravom korištenja.

Član 2.

Vodovodni sistem Kalesija, čiji je nosilac prava raspolaganja općina Kalesija, daje se na korištenje kao javno dobro u općoj upotrebi sa pravom korištenja, eksploatacije, ostvarenja izvora prihoda i održavanja, bez prava prenosa na drugog, a sastoji se iz slijedećih objekata:

1. Bunari BP-K1, BP-K2, BP-K3 i BT-1.
2. Potisni cjevovod od bunara do pumpne stanice sa sabirnim bazenom "Krušik" od PEHD cijevi DN 160/141 mm NP 10 bara L=2239,3 m.

3. Sabirni bazen "Krušik" zapremine $V=100 \text{ m}^3$.
4. Potisni cjevovod od pumpne stanice sa sabirnim bazenom "Krušik" do novog rezervoara "Međaš" od PEHD cijevi DN 315/257,7 mm NP 16 bara L=5838 m.
5. Rezervoar "Međaš" zapremine $V=500 \text{ m}^3$.
6. Gravitacioni cjevovod od novog rezervoara "Međaš" do postojećeg rezervoara "Kalesija" u Kalesiji od PEHD cijevi DN 400/352,6 mm NP 10 bara L=593 m i DN 315/257,7 mm NP 10 bara L= 8195m.
7. Rezerovar "Palavre" I i II.
8. Distribuciona mreža u gradu Kalesija, Prnjavor i Kalesija Gornja.
9. Potisni cjevovod od BK-1 do PS Tojšići od PVC cijevi DN 110/NP 10 bara L=4000 m.
10. Pumpna stanica "Pista" $V= 60 \text{ m}^3$.
11. Potisni vod PS "Pista" Rezervoar "Međaš" $V= 200 \text{ m}^3$. od PVC cijevi DN 110/NP 10 bara L= 1.800 m.
12. Distribuciona mreža u Tojšićima i Kikačima.

Član 3.

Vrijednost osnovnog sredstva iz člana 2. ove Odluke je cca 4.000.000,00 KM.

Član 4.

Sva prava i obaveze korisnika Vodovodnog sistema Kalesija nastala od dana upisa u Sudski registar, pripisuju se u korist i padaju na teret JP "Vodovod i kanalizacija Kalesija".

Član 5.

Općina Kalesija i dalje zadržava pravo raspolaganja stalnim sredstvima iz člana 2. ove Odluke koja i dalje ostaju državna svojina.

Član 6.

Na osnovu ove Odluke Služba za geodetske i imovinskopravne i geodetske poslove će izvršiti knjiženje u zemljišno-knjižnom uredu i uredu za katastar na Općinu Kalesija, kao državna svojina sa pravom raspolaganja 1/1, a na JP "Vodovod i kanalizacija Kalesija" Kalesija, sa pravom posjeda i korištenja.

Član 7.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-254/03
Datum, 31.01.2003. godine

Mehmed Suljkanović, dipl. ecc.s.r.

2

Na osnovu člana 77. stav 1. Ustava Tuzlanskog kantona ("Sl. novine TPK" br. 7/97, 3/99, i "Sl. novine TK" br. 13/99 i 10/00), člana 70. Zakona o kantonalnoj upravi ("Sl. novine TPK" br. 1/99 i 2/99), člana 36. Zakona o lokalnoj samoupravi ("Sl. novine TPK" br. 6/98 i "Sl. novine TK" br. 13/99 i 7/02) i člana 36. Statuta općine Kalesija ("Sl. glasnik općine Kalesija" br. 9/98 i 5/99), Općinsko vijeće Kalesija, na sjednici od 30.01.2003. godine, d o n o s i

ODLUKU

o organizaciji općinskih službi za upravu

I OPĆE ODREDBE

Član 1.

Ovom Odlukom se u skladu sa Ustavom Tuzlanskog kantona, Zakonom o kantonalnoj upravi, Zakonom o lokalnoj samoupravi i Statutom općine Kalesija,

organizuju službe za upravu, radi vršenja poslova uprave i samouprave iz nadležnosti Općine, utvrđuju prava, obaveze i ovlaštenja Općinskog načelnika u vršenju poslova uprave i lokalne samouprave, osnivaju općinske službe za upravu, rukovođenje službama za upravu, odnosi Općinskog načelnika i općinskih službi, unutrašnja organizacija općinskih službi, sredstva za rad općinskih službi, te prelazne i završne odredbe.

Član 2.

Poslove uprave i samouprave u skladu sa Ustavom i Zakonom vrši Općinski načelnik putem općinskih službi za upravu (u daljem tekstu: općinske službe)

Član 3.

Općinski načelnik i općinske službe dužne su da svojim radom obezbijede efikasno i potpuno ostvarivanje prava i sloboda građana predviđenih Ustavom Federacije BiH i Ustavom Tuzlanskog kantona.

Član 4.

Rad općinskih službi je javan, osim ako za izuzetne situacije nije Zakonom drugačije određeno.

Član 5.

U općinskim službama za upravu, u ravnopravnoj upotrebi su službeni jezici bosanski, hrvatski i srpski.

Službeno pismo u općinskim službama za upravu je latinica i ćirilica.

II OPĆINSKI NAČELNIK

Član 6.

Općinski načelnik je neposredno odgovoran za stanje u Općini, sprovođenje politike koju utvrđuje Općinsko vijeće, izvršavanje općinskih propisa, kao izvršavanje Zakona, drugih propisa i općih akata Kantona, Federacije BiH i Bosne i Hercegovine.

Općinski načelnik je dužan da pokreće inicijative i da predlaže mjere za rješavanje

pitanja od značaja za provođenje općinske politike.

Član 7.

Općinski načelnik može formirati Savjet Općinskog načelnika.

Savjet Općinskog načelnika pomaže Općinskom načelniku svojim korisnim sugestijama i prijedlozima pri donošenju važnijih i složenijih odluka i zauzimanju stavova.

O unutrašnjoj organizaciji i djelokrugu rada Savjeta odlučuje Općinski načelnik posebnom odlukom.

Član 8.

Za obavljanje stručnih i drugih poslova za potrebe Općinskog vijeća, Općinskog načelnika i općinskih službi za upravu, Općinski načelnik će svojom odlukom osnovati službe za obavljanje stručnih i drugih tehničkih poslova.

III ORGANIZACIJA I DJELOKRUG OPĆINSKIH SLUŽBI

Član 9.

Za vršenje upravnih i stručnih poslova i poslova lokalne samouprave iz okvira nadležnosti Općine, osnivaju se službe za upravu i to:

1. Služba za poduzetništvo i budžet;
2. Služba za urbanizam, geodetske, imovinsko-pravne poslove i infrastrukturu;
3. Služba za opću upravu, boračko-invalidsku zaštitu i raseljena lica;

IV RUKOVOĐENJE SLUŽBAMA ZA UPRAVU

Član 10.

Službama za upravu rukovodi Općinski načelnik.

U rukovođenju službama za upravu, Općinskom načelniku pomažu rukovodeći službenici.

Rukovodeći službenici iz prethodnog stava su pomoćnici.

Pomoćnik neposredno rukovodi određenom službom i obavlja i druge poslove iz određene oblasti koje mu odredi Općinski načelnik.

Član 11.

Ovlaštenja i odgovornosti rukovodećih službenika u rukovođenju općinskim službama uređuju se Pravilnikom o unutrašnjoj organizaciji i sistematizaciji općinskih službi.

Član 12.

Rukovodeće službenike bez konkursa postavlja i smjenjuje Općinski načelnik.

Inspektore, čije nadležnosti po važećim zakonskim propisima pripadaju općini, postavlja i smjenjuje Općinski načelnik na osnovu Javnog konkursa.

Za rukovodećeg službenika može biti postavljeno lice koje ispunjava Zakonom propisane uslove.

V ODNOSI OPĆINSKOG NAČELNIKA I OPĆINSKIH SLUŽBI

Član 13.

Općinske službe rade na osnovu Ustava, Zakona, Statuta, ove Odluke i drugih propisa i općih akata Općinskog vijeća i Općinskog načelnika.

Općinske službe za svoj rad odgovaraju Općinskom načelniku i dužne su istom podnositi redovne izvještaje o svom radu.

Član 14.

Općinski načelnik usmjerava i usklađuje rad općinskih službi i vrši nadzor nad njihovim radom.

VI UNUTRAŠNJA ORGANIZACIJA OPĆINSKIH SLUŽBI

Član 15.

Unutrašnja organizacija i sistematizacija općinskih službi, uređuje se Pravilnikom o unutrašnjoj organizaciji

sistematizaciji, kojeg donosi Općinski načelnik.

Saglasnost na Pravilnik iz prethodnog stava daje Općinsko vijeće.

VII SREDSTVA ZA RAD OPĆINSKIH SLUŽBI

Član 16.

Sredstva za rad općinskih službi utvrđuju se Budžetom općine Kalesija.

Naredbodavac za korištenje sredstava iz prethodnog stava je Općinski načelnik.

VIII PRELAZNE I ZAVRŠNE ODREDBE

Član 17.

Danom stupanja na snagu ove odluke prestaju sa radom:

1. Služba za poduzetništvo, budžet, stambeno-komunalne i inspeksijske poslove;
2. Služba za geodetske i imovinsko-pravne poslove;
3. Služba za društvene djelatnosti, opću upravu, opće i zajedničke poslove;
4. Služba za raseljena lica i izbjeglice;
5. Služba za boračko-invalidsku zaštitu;
6. Služba za obnovu i razvoj.

Član 18.

Danom stupanja na snagu ove Odluke počinju sa radom općinske službe iz člana 9. ove Odluke.

Član 19.

Općinske službe koje preuzimaju poslove iz djelokruga ukinutih službi iz člana 17. ove Odluke, preuzimaju i uposlenike koji su se zatekli na poslovima i radnim zadacima u tim službama.

Odredbe iz prethodnog stava odnose se i na slučajeve prema kojima u odredbama ove Odluke općinske službe preuzimaju pojedine poslove iz djelokruga drugih službi.

Oprema, inventar, arhiva, dokumentacija i sredstva za rad ukinutih službi za

upravu, raspoređuju se na novoosnovane službe, uporedo sa preuzimanjem uposlenika, u skladu sa odredbama stava 1. i 2. ovog člana.

Član 20.

Općinski štab civilne zaštite nastavlja sa radom kao posebno operativno-stručno tijelo, do regulisanja ove materije posebnim zakonom, a Teritorijalna vatrogasna jedinica nastavlja sa radom kao posebna organizaciona jedinica Općinskog štaba civilne zaštite, do konačnog regulisanja statusa vatrogasnih jedinica u Tuzlanskom kantonu.

Član 21.

Općinski načelnik je dužan uskladiti Pravilnik o unutrašnjoj organizaciji i sistematizaciji i druge opće akte sa ovom Odlukom u roku od 30 dana od dana donošenja ove Odluke.

Do donošenja Pravilnika i općih akata iz stava 1 ovog člana, primjenjivat će se odredbe Pravilnika i drugih općih akata, koji su na snazi, a koje nisu u suprotnosti sa Zakonom, Statutom Općine i ovom Odlukom.

Sve što nije regulisano ovom odlukom, primjenjivat će se odredbe Zakona.

Član 22.

Danom stupanja na snagu ove Odluke, prestaje da važi Odluka o organizaciji općinskih službi za upravu ("Sl. glasnik općine Kalesija" br. 2/99).

Član 23.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-255/03
Datum, 31.01.2003. godine

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc.s.r.

Na osnovu člana 28 i 47. Zakona o dopunskim pravima boraca-branitelja i članova njihovih porodica («Sl. novine TK», broj:7/02), člana 29. Zakona o lokalnoj

samoupravi («Sl. TK», broj: 6/98, 27/02) i člana 36. Statuta općine Kalesija («Sl.glasnik općine Kalesija», broj 9/98), Općinsko vijeće Kalesija na sjednici održanoj dana 30.01.2003.godine, d o n o s i

ODLUKU

o naknadama troškova dženaze i jednokratnoj novčanoj pomoći vojnih invalida, porodica šehida-poginulih boraca, demobilisanih boraca i nezaposlenih lica općine Kalesija

I – OPĆE ODREDBE

Član 1.

Odlukom o naknadama troškova dženaze i jednokratnoj novčanoj pomoći vojnih invalida, porodica šehida-poginulih boraca, demobilisanih boraca i nezaposlenih lica općine Kalesija (u daljem tekstu: Odluka) utvrđuju se:

- korisnici prava na naknadu troškova dženaze i jednokratnu pomoć,
- kriteriji za odobravanje naknade troškova dženaze i jednokratne pomoći,
- vrsta, iznos i obim prava na naknadu troškova dženaze, jednokratnu pomoć i
- organi i postupak odlučivanja o naknadi troškova dženaze i jednokratnoj pomoći.

Član 2.

Naknada troškova dženaze i jednokratne pomoći općine Kalesija po ovoj Odluci će se dodjeljivati iz budžeta općine Kalesija – izdaci za vojne invalide, ranjene borce i porodice šehida-poginulih boraca i za materijalnu-socijalnu sigurnost nezaposlenih lica.

Ova Odluka će se primjenjivati i prilikom korištenja namjenskih sredstava za materijalno zbrinjavanje i pomaganje boraca i članova njihovih porodica koja budu stavljena na raspolaganje Općini od strane viših nivoa vlasti i donatora.

II – KORISNICI PRAVA NA NAKNADU TROŠKOVA DŽENAZE I JEDNOKRATNE POMOĆI

Član 3.

Korisnici naknade troškova dženaze ili jednokratne pomoći mogu biti:

1. Ratni vojni invalidi
2. Članovi porodica šehida-poginulih boraca,
3. Nosioc i najviših ratnih odlikovanja i priznanja,
4. Demobilisani pripadnici oružanih snaga Bosne i Hercegovine,
5. Mirnodopski vojni invalidi
6. Nezaposlena lica i
7. Lica slabog imovnog stanja

Korisnici prava na naknadu troškova dženaze i jednokratne pomoći iz tačke 1 – 4 prethodnog stava su lica koja imaju taj status prema članu 1. i 2. Zakona o dopunskim pravima boraca-bratnitelja i članova njihovih porodica Tuzlanskog kantona (u daljem tekstu: Zakon).

Korisnici jednokratne pomoći iz tačke 5 – 7 prvog stava ovog člana su lica koja imaju taj status prema posebnim pozitivnim propisima kojima je regulisano pravo tih lica.

Član 4.

Lica iz člana 3. ove Odluke mogu ostvariti pravo na jednokratnu pomoć samo ako dokažu pravo ili neophodnost ove pomoći sa odgovarajućom dokumentacijom – ispravama izdate od nadležnih organa.

III – KRITERIJI ZA OSTVARIVANJE PRAVA

Član 5.

U smislu ove Odluke ostvarenje prava smatra se neophodnim zbog stanja socijalne potrebe nastale usljed:

- smrti ratnog vojnog invalida, člana porodice šehida-poginulog borca ili demobilisanog borca,
- izuzetno teške materijalne situacije podnosioca zahtjeva i njegove uže porodice (nedostatak životnih

- namirnica, troškovi redovnog školovanja i sl.),
- troškova liječenja podnosioca zahtjeva i članova uže porodice (bolničko liječenje u zemlji i inostranstvu, nabavka lijekova, ortopedskih i drugih pomagala i sl.),
 - smrti člana porodice ili člana domaćinstva koga je podnosilac zahtjeva isključivo izdržavao,
 - napuštanja privremeno korištenje tuđe imovine u postupku provođenja imovinskih zakona i
 - drugim opravdanim, a specifičnim slučajevima.

Član 6.

U slučaju smrti ratnog vojnog invalida, korisnika prava porodice šehid-poginulih boraca ili demobilisanog borca iz člana 1. i 2. Zakona, član uže porodice koji je sahranio umrlog ima pravo na naknadu troškova dženaze, ako to pravo ne može ostvariti na drugi način i u visini koja se može ostvariti po ovoj Odluci.

Član 7.

Pravo na naknadu troškova dženaze i jednokratnu pomoć mogu ostvariti lica i porodice koje imaju stalno prebivalište na području općine Kalesija.

Član 8.

Jednokratna pomoć po ovoj Odluci ne može se dodijeliti ako je podnosilac zahtjeva ili drugo lice koristilo pravo na novčanu pomoć po istom osnovu od drugih organa i institucija (kantona, javnih ustanova, javnih fondova, humanitarnih organizacija i slično).

IV – VRSTE, IZNOS I OBIM PRAVA

Član 9.

Uža porodica ima pravo na naknadu troškova dženaze za slučaj smrti ratnog vojnog invalida, člana porodice šehid-poginulog borca i demobilisanog borca pod uslovima iz člana 6. ove Odluke.

Naknada iz prethodnog stava određuje se u svakom konkretnom slučaju i može biti:

- 100,00 KM ako je umrlo lice bilo u radnom odnosu sa redovnim primanjima ili je obavljalo drugu profesionalnu djelatnost ili je član porodice umrlog u radnom odnosu sa redovnim primanjima, odnosno obavlja drugu profesionalnu djelatnost.
- 200,00 KM ako je umrlo lice bilo korisnik prava boračko-invalidske zaštite u punom iznosu (invalidnina i izuzetno materijalno obezbjeđenje) i porodične penzije ili je član porodice umrlog korisnik istih prava, bez drugih izvora primanja.
- 300,00 KM ako umrlo lice nije bilo korisnik prava boračko-invalidske zaštite u punom iznosu (ne koristi izuzetno materijalno obezbjeđenje) ili je demobilisani borac bez redovnih primanja, a u porodici umrlog nema redovnih primanja.

Član 10.

Naknada iz prethodnog člana će se umanjiti za iznos prava koje je podnosilac zahtjeva ostvario ili je mogao ostvariti na drugi način.

Član 11.

Neovisno od prava na naknadu troškova dženaze lica iz člana 3. ove Odluke mogu ostvariti pravo na jednokratnu novčanu pomoć.

Jednokratna pomoć odobrava se za svaki konkretan slučaj u posebnom iznosu prema mogućnostima Općine i može biti u maksimalnom iznosu od 150 KM.

Pomoć iz prethodnog stava može se odobriti najviše jedan puta tokom kalendarske godine i u najmanjem vremenskom razmaku od 6 mjeseci od prethodno ostvarenog prava na jednokratnu novčanu pomoć.

Neovisno od ostvarenog prava iz člana 9. 10. i 11. stav 1-3 ove Odluke, u izuzetno opravdanim slučajevima, uz konsultacije sa Komisijom za odobravanje jednokratne

novčane pomoći općine Kalesija, općinski Načelnik može odobriti jednokratnu novčanu pomoć.

V- ORGANI I POSTUPAK OSTVARIVANJE PRAVA

Član 12.

Rješavanje o pravima po ovoj Odluci vrši se isključivo na osnovu pismenog zahtjeva fizičkih lica.

Uz zahtjev je neophodno priložiti:

- dokaz o statusu podnosioca zahtjeva (kopija kartice, kopiju rješenja ili uvjerenja nadležnog organa i slično),
- uvjerenje o javljanju Zavod za zapošljavanje,
- potvrdu o plati za posljednjih 6 mjeseci od preduzeća,
- izvod iz matičke knjige umrlih,
- medicinsku dokumentaciju,
- dokaz o troškovima dženaze,
- dokaz o socijalnom stanju podnosioca zahtjeva (socijalna karta),
- dokaze o troškovima liječenja i lijekova i

Zahtjev se upućuje nadležnoj službi za boračko-invalidsku zaštitu općine Kalesija, koja sačinjava socijalnu kartu podnosioca zahtjeva i prilaže uz zahtjev.

Član 13.

Za razmatranje zahtjeva iz prethodnog člana Općinski načelnik imenuje Komisiju za odobravanje jednokratne pomoći općine Kalesija (u daljem tekstu: Komisija).

Zadatak Komisije iz prethodnog stava je da razmotri zahtjeve najmanje jednom mjesečno i predloži prihvatanje zahtjeva i iznos sredstava za dodjelu ili odbijanje zahtjeva kao neosnovanog.

Prilikom razmatranja zahtjeva i utvrđivanja prijedloga o dodjeli pomoći Komisija je dužna uzeti u obzir podatke iz službene evidencije općine Kalesija, priložene dokumentacije i ličnih saznanja članova Komisije.

Komisija radi u sjednicama, odlučuje većinom glasova, i o svom radu vodi zapisnik koji potpisuju svi prisutni članovi Komisije.

Što nije regulisano ovom Odlukom, u radu Komisije primjenjivaće se opća pravila o radu kolegijalnih organa.

Član 14.

Po prijedlogu Komisije rješenje o dodjeli jednokratne pomoći ili odbacivanju zahtjeva donosi rukovodilac službe kojoj je zahtjev upućen.

Na rješenje o dodjeli novčane pomoći saglasnost (odobrenje) daje Općinski načelnik.

Na rješenje iz prvog stava ovog člana može se izjaviti prigovor Općinskom načelniku.

Član 15.

Odobrena sredstva po ovoj Odluci isplaćuju se u gotovom novcu putem blagajne općine Kalesija u roku od 30 dana od dana kada je komisija razmatrala zahtjev i utvrdila prijedlog za njegovo rješavanje.

Član 16.

Rukovodilac službe iz trećeg stava člana 12. ove Odluke je dužan podnijeti izvještaj svakih šest mjeseci, a konačan izvještaj na kraju godine.

VI – ZAVRŠNE ODREDBE

Član 17.

Ukoliko iz opravdanih razloga podneseni zahtjev ne može biti riješen po ovoj Odluci i kada se ocijeni da za to postoje opravdani razlozi, podnosilac zahtjeva će se uputiti, odnosno poučiti na koji način i kod kojeg organa se, eventualno, može obratiti radi potpunijeg ili bar djelimičnog rješavanja zahtjeva.

Član 18.

U slučaju kada se za to ukaže potreba ili postoji mogućnost Općine, ova Odluka će se primjenjivati i kod dodjele pomoći u robnim davanjima.

Član 19.

Ova Odluka će se primjenjivati i u slučaju dodjele pomoći fizičkim licima iz drugih namjenskih sredstava općine Kalesija (npr. pomoć licima koja se deložiraju), ako odobravanje i isplata pomoći nije regulisana posebnim propisom.

U slučaju iz prethodnog stava zahjtevi se upućuju nadležnoj službi Općine, a ne službi iz člana 12. stav 3. ove Odluke.

Član 20.

Što nije regulisano ovom Odlukom primjenjivaće se Zakon o dopunskim pravima boraca-branitelja i članova njihovih porodica.

Član 21.

Stupanjem na snagu ove Odluke prestaje važiti Odluka o kriterijima i visini dodjele jednokratne novčane pomoći ratnim vojnim invalidima i porodicama poginulih boraca («Sl. glasnik općine Kalesija», broj 3/96) i Odluka o izmjenama i dopunama Odluke o kriterijima i visini dodjele jednokratne novčane pomoći ratnim vojnim invalidima i porodicama poginulih boraca broj 02-560-6/98 od 18.02.1998. godine.

Član 22.

Ova Odluka stupa na snagu danom donošenja i objaviće se u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-255/03
Datum, 31.01.2003. godine

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc. s.r.

4

Na osnovu člana 56. Zakona o eksproprijaciji («Sl. list SRBiH», broj 12/87) i člana 3. Zakona o izmjenama i dopunama Zakona o eksproprijaciji («Sl. list SRBiH», broj 38/89), Općinsko vijeće Kalesija, na svojoj sjednici održanoj dana 30.01.2003. godine, d o n o s i

ODLUKU

o određivanju naknade za građevinsko zemljište u državnoj svojini koje se izuzima od ranijih vlasnika

Član 1.

Naknada za građevinsko zemljište u državnoj svojini koje se izuzima od ranijih vlasnika na području općine Kalesija u 2003. godini određuje se u procentu od prosječne cijene koja je formirana u prethodnoj godini za 1m² stambenog prostora izgrađenog u državnoj svojini na području općine Kalesija.

Član 2.

Prosječna cijena u 2002. godine za 1m² stambenog prostora izgrađenog u državnoj svojini na području općine Kalesija iznosi 900,00 KM.

Član 3.

Za 1m² građevinskog zemljišta u državnoj svojini koje se izuzima od ranijih vlasnika na području općine Kalesija u 2003. godini određuje se visina naknade u procentu od prosječne ugovorene cijene za 1m² stambenog prostora izgrađenog u državnoj svojini i to:

Urbano područje grada Kalesija, naselja Memići i Tojšići, industrijska zona kao i ostalo građevinsko zemljište (poredano po zonama od 1-6, shodno Odluci o gradskom građevinskom zemljištu («Sl. glasnik općine Kalesija», broj 3/2001).

I zona -u procentu od 2,7% što naknada za 1m² građevinskog zemljišta iznosi 24,30 KM.

II zona -u procentu od 2,3% što naknada za 1m² građevinskog zemljišta iznosi 20,70 KM.

III zona -u procentu od 1,9% što naknada za 1m² građevinskog zemljišta iznosi 17,10 KM.

IV zona -u procentu od 1,5% što naknada za 1m² građevinskog zemljišta iznosi 13,50 KM.

V zona -u procentu od 1,2% što naknada za 1m² građevinskog zemljišta iznosi 10,80 KM.

VI zona -u procentu od 1,1% što naknada za 1m² građevinskog zemljišta iznosi 9,90 KM.

Član 4.

Naknada iz člana 3. ove Odluke pripada vlasnicima odnosno posjednicima građevinskog zemljišta u državnoj svojini koje se izuzima od ranijih vlasnika, a obezbjeđuju je korisnici eksproprijacije.

Član 5.

Ova odluka stupa na snagu osmog dana od dana objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-257/03
Datum, 31.01.2003. godine

PREDSJEDAVAJUĆI
OPĆINSKOG VIJEĆA
Mehmed Suljkanović, dipl. ecc. s.r.

5

Na osnovu člana 1. 2. i 13. Zakona o komunalnim taksama ("Sl. SR BiH", br. 21/88, 35/88 i 26/89) i člana 36. Statuta općine Kalesija ("Sl. glasnik općine Kalesija, br. 9/98) Općinsko vijeće Kalesija na sjednici od 30.01.2003. godine, d o n o s i

ODLUKU

o razrezu komunalnih taksi koje se naplaćuju na području općine Kalesija

Član 1.

Za pojedine vrste komunalnih taksi utvrđuje se sledeće :

T A R I F A
komunalnih taksi

Tarifni broj.1.

Za držanje muzike uživo u svim vrstama ugostiteljskih objekata plaća se dnevno:

- do 10 dana 15 KM
- više od 10 dana 10 KM
- organizovne zabave u dane praznika za jedan muzički dan100 KM

NAPOMENA: Taksu iz ovog tarifnog broja plaća držalac muzike. Taksa se plaća

odmah ako se muzika drži manje od mjesec dana. U protivnom, taksa se plaća u jednakim mjesečnim ratama i to najkasnije do 5 u mjesecu. Držalac lokala u čijem sastavu ima više objekata u kojima se drži muzika plaća taksu za svaki objekat u kome se drži muzika posebno. Neplaća se taksa za muziku koja se reprodukuje mehaničkim sredstvima (gramofon, magnetofon, radio, televizor i sl.)

Tarifni broj.2

Za držanje sredstava za igru na sreću i automate u ugostiteljskim i drugim objektima plaća se taksa u mjesečnim iznosima i to:

- a) Za svaki automat ili elektronski uređaj igre na sreću (poker aparat).. 100 KM
- b) Za bilijar i pikado 50 KM
- c) Za ostala sredstva igre na sreću 30 KM
- d) Za zabavne radnje i igre po rekvizitu 30 KM
- e) Za zauzimanje javnih površina za postavljanje tezge mjesečno ... 20 KM
- f) Tombole svih vrsta 150 KM

NAPOMENA: Taksa se plaća u roku od 15 dana tekućeg mjeseca za predhodni mjesec. Za korištenje javnih površina za postavljanje zabavnih parkova, cirkuskih šatora, pijačnih šatora i vašerskih šatora 150KM.

NAPOMENA: Taksa iz predhodnog stava plaća se za svaki dan u prvoj polovini radnog dana.

Tarifni broj 3.

Za svaku istaknutu firmu: DOO, DD, JP, JU MP, JZU i Preduzeća u državnoj svojini plaća se taksa u godišnjem iznosu i to:

Za sjedište DOO, DD, JP, JU MP, DP, JZU

- a) do 5 radnika 100 KM
- b) do 10 radnika 150 KM
- c) preko 10 radnika 200 KM

Za poslovne jedinice firmi iz stava 1. ovog člana plaća se:

Iz oblasti ugostiteljstva:

- za objekte u kojima se toče alkohona pića hoteli, moteli 300 KM
- restorani 250 KM
- disko bar, disko klub, noćni bar i noćni klub 300 KM
- konoba, kafe bar gostionica, kavana, picerija, bistro, pivnica ... 150 KM
- za objekte u kojima se ne toče alkoholna pića vrste aščinice, čevapdžinice, burekdžinice, mliječni restoran 100 KM

Iz oblasti trgovine:

- za trgovinske radnje tipa klasičnih prodavnica na kojima se obavlja promet: kancelarijskog i kućnog namještaja, tekstila, konfekcije, trikotaže, prodavnice kozmetičkih i parfimerijskih proizvoda ... 150 KM
- klasične prodavnice u kojima se obavlja promet prehrambenih proizvoda, alkoholnih pića i duhanskih proizvoda 150 KM
- za samoposluge i supermarkete 200 KM
- za robne kuće 300 KM
- za trgovinske radnje trgovke (kioska)..... 100 KM
- za benzijske pumpe i stanice 500 KM
- za poljoprivredne apoteke .. 100 KM
- za apoteke 250 KM
- za ostale tipove trgovinskih radnji 150 KM
- za pijace i tržnice 300 KM
- specijalizirane prodavnice i prodavnice autodijelova 150 KM
- brente 300 KM
- banke 500 KM
- kladionice 200 KM
- lutrija BiH 1000 KM
- osiguranja 100 KM

NAPOMENA: Taksa se plaća unaprijed za cijelu godinu bez obzira na datum isticanja firme.

Tarifni broj 4.

Fizička lica platit će komunalnu taksu:

Iz oblasti ugostiteljstva:

Za objekte u kojima se toče alkoholna pića:

- restorani 250 KM
- disko bar, disko klub, noćni bar, noćni klub 300 KM
- konoba, kafe bar, gostionica, kavana, picerija i bistro, pivnica 150 KM
- Za objekte u kojima se ne toče alkoholna pića aščinica, čevapdžinica, burekdžinica i mliječni restoran 50 KM

Za trgovinske radnje:

- klasične prodavnice u kojima se obavlja promet neprehrambenih proizvoda 150 KM
- klasične prodavnice u kojima se obavlja promet prehrambenih proizvoda, alkoholnih pića i duhanskih proizvoda 150 KM
- samoposluge i supermarketi 250 KM
- specijalizirane trgovinske radnje i prodavnice autodijelova 150 KM
- trgovinske radnje (kiosci) ... 100 KM
- ostale vrste trgovinskih radnji 150 KM

Zanatske radnje:

- iz oblasti građevinarstva: zidarske, tesarske, stolarsko farbarske, fasaderske, građevinsko limarske 100 KM
- automehaničarske, autolakirerske, autoelektričarske, autopraone i vulkanizerske radnje 100 KM
- mesarske 150 KM
- elektroinstalaterske, stolarske, staklorezačke, instalater TT.. 150 KM
- monter centralnog grijanja .. 150 KM
- pekarske 100 KM
- frizerske, zlatarske..... 150 KM
- videoteke..... 150 KM
- bunardžijske, kamenorezačke 150 KM
- obučarske, sekundarnih sirovina, proizvodnja hrane, pržionice kafe 100 KM
- klaonice..... 200 KM
- brente 300 KM
- ostale vrste zanatskih radnji... 150 KM

- pružanje zdravstvenih usluga 250 KM
- fotografske radnje..... 50 KM
- izrada betonskih blokova . 100 KM
- advokati 150 KM

NAPOMENA:

1. Pod istaknutom firmom podrazumijeva se svaka oznaka ili natpis koja označava određeno fizičko ili pravno lice koje obavlja izvjesnu djelatnost ili zanimanje.

2. Građani koji samostalno obavljaju djelatnost uz pomoć najviše jednog radnika ili jednog člana porodice, a stariji su od 60 godina na posebno dokumentovani zahtjev oslobađaju se od plaćanja komunalne takse iz ovog tarifnog broja.

Tarifni broj 5.

Za saopštavanje, objave i oglase putem mjesnih razglasnih stanica i drugih sličnih sredstava plaća se taksa po jednom saopštenju, objavi ili oglasu 1 KM

NAPOMENA:

1. Taksu plaćaju preduzeća i ustanove koje se bave tom djelatnošću i istu plaćaju svakog prvog do 15 u korist odgovarajućeg računa Općine Kalesija.

2. Neplaćaju se takse na saopštenja, objave i oglase koji se odnose na djelatnost državnih organa i organizacija društvenih djelatnosti.

3. Taksa po ovom tarifnom broju plaća se za sva saopštenja, objave i oglase koji se vrše putem Radio stanica uključujući slučajeve saopštenja, oglase i objave povodom raznih proslava (čestitka za rođendane, sklapanje brakova).

Član 2.

Naplata takse vrši se u konvertibilnoj marci.

Član 3.

Stupanje na snagu ove Odluke prestaje da važi Odluka o tarifi komunalnih taksi koje se plaćaju na području općine Kalesija br.

01-05-2-132 od 25.01.2002.godine ("Službeni glasnik općine Kalesija", br.2/02).

Član 4.**PORESKE OLAKŠICE:**

1. Od plaćanja komunalnih taksi oslobađaju se fizička lica u prvoj godini poslovanja.

Član 5.

Ova Odluka stupa na snagu danom objavljivanja, a ista će se objaviti u "Službenom glasniku općine Kalesija", a primjenjivat će se od 01.01.2003.godine

Bosna i Hercegovina

Federacija Bosne i Hercegovine

TUZLANSKI KANTON

OPĆINA KALESIJA

OPĆINSKO VIJEĆE

Broj: 01-05-2-258/03

Datum, 31.01.2003. godine

PREDSJEDAVAJUĆI

OPĆINSKOG VIJEĆA

Mehmed Suljkanović, dipl. ecc. s.r.

6

Na osnovu člana 49.Zakona o eksproprijaciji (Sl.list SRBiH broj 12/87) i člana 36. Statuta općine Kalesija («Sl. glasnik općine Kalesija», broj 9/98), Općinsko vijeće Kalesija na svojoj sjednici održanoj dana 30.01.2003. godine, d o n o s i

ODLUKU

o načinu i uslovima određivanja naknade za eksproprisano poljoprivredno zemljište u 2003 godini.

Član 1.

Ovom Odlukom određuju se bliži uslovi i mjerila za određivanje naknade za eksproprisano poljoprivredno zemljište na području općine Kalesija u 2003. godini

Član 2.

Pri određivanju naknade za eksproprisano poljoprivredno zemljište cijenit će se korist koju može dati to zemljište redovnim iskorištavanjem, korist koju je raniji vlasnik imao od tog zemljišta, a naročito tržišnu cijenu tog zemljišta.

Tržišna cijena ekspropisanog poljoprivrednog zemljišta utvrđuje se na osnovu podataka o prometnoj vrijednosti koje daje općinska porezna uprava- ispostava Kalesija i podataka o iznosima iz postignutih sporazuma o određivanju pravične naknade za ekspropisano zemljište u toj katastarskoj općini.

Ako je vrijednost poljoprivrednog zemljišta uvećana kao rezultat neposrednog ili posrednog ulaganja državnih sredstava i ako na formiranje tržišne cijene utiču okolnosti što se poljoprivredno zemljište nalazi u naseljima ili u blizini tih naselja, saobraćajnica, naknada će se umanjiti srazmjerno tim okolnostima koje su uticale na povećanje vrijednosti poljoprivrednog zemljišta.

U slučaju iz prethodnog stava, kada je predmet eksproprijacije obradivo poljoprivredno zemljište zemljoradnika, kome je prihod od tog zemljišta jedini i glavni uslov za egzistenciju ne vrši se umanjjenje naknade.

Član 3.

Okolnosti iz člana 2 stav 3. ove odluke utiču na povećanje kod formiranja tržišne cijene poljoprivrednog zemljišta uz sledeće saobraćajnice:

1. Put Tuzla – Simin Han – Međaš, na udaljenosti od 800metara na obje strane od ose puta.

2. Put Tuzla – Banj Brdo na udaljenosti 300metara na obje strane

3. Put Živinice – Memići – RS na udaljenosti 800 metara sa obje strane od ose puta.

4. Put Kalesija pogon – Sapna na udaljenosti 250 metara sa obje strane od ose puta.

Član 4.

Tržišna cijena poljoprivrednog zemljišta navedena u članu 3 tačke 1. ove Odluke umanjuje se za 30%.

Tržišna cijena poljoprivrednog zemljišta navedena u članu 3 tačke 2. ove Odluke umanjuje se za 20%.

Tržišna cijena poljoprivrednog zemljišta navedena u članu 3 tačke 3. ove Odluke umanjuje se za 30%.

Tržišna cijena poljoprivrednog zemljišta navedena u članu 3 tačke 4. ove Odluke umanjuje se za 30%

Član 5.

Ova odluka stupa na snagu osmog dana od dana objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-259/03
Datum, 31.01.2003. godine

PREDSJEDAVAJUĆI
OPĆINSKOG VIJEĆA
Mehmed Suljkanović, dipl. ecc. s.r.

7

Na osnovu člana 11.stav 3 Zakona o uzurpacijama («Sl. list SRBiH», broj 6/78) i Općinsko vijeće Kalesija na svojoj sjednici održanoj dana 30.01.2003.godine, d o n o s i

ODLUKU

o visini naknade za nepriznato uzurpirano zemljište u 2003.godine

Član 1.

Za nepriznato uzurpirano zemljište, za koja će se uzurpantima zamljoradnicima određivati naknada u 2003.godini, određuje se slijedeća visina naknade:

- Za poljoprivredna zemljišta u iznosu sedmostrukog jednogodišnjeg katastarskog prihoda sa uzurpiranog zemljišta,
- Za neplodna zemljišta u iznosu sedmostrukog jednogodišnjeg katastarskog prihoda sa pašnjaka najniže klase u istoj katastarskoj općini.

Član 2.

Ova odluka stupa na snagu osmog dana od dana objavljivanja u «Sl.glasniku općine Kalesija», a primjenjivat će se od 01.01.2003.godine.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-260/03
Datum, 31.01.2003. godine

PREDSJEDAVAJUĆI
OPĆINSKOG VIJEĆA
Mehmed Suljkanović, dipl. ecc. s.r.

8

Na osnovu člana 145. Zakona o prostornom uređenju ("Sl. novine TK", broj 16/2000), člana 62. Odluke o građevinskom zemljištu ("Sl. glasnik općine Kalesija", broj 2/01), te člana 36. Statuta općine Kalesija ("Sl. glasnik općine Kalesija", broj 9/98), Općinsko vijeće na sjednici održanoj dana 30.01.2003.godine, d o n o s i

PROGRAM UREĐENJA gradskog građevinskog zemljišta za 2003. godinu Kalesija

Član 1.

U toku 2003. kalendarske godine vršit će se uređenje gradskog građevinskog zemljišta u Kalesiji i Tojšićima.

Član 2.

Nastavit će se radovi na izuzimanju zemljišta za potrebe izgradnje gradske saobraćajnice južno od zgrade "Sprečanka", koja povezuje Ul. Oslobojilaca Kalesije sa zapadnom obilaznom ulicom u dužini od cca 200 m', širine 11 m', u koju se trebaju postaviti svi podzemni vodovi prema regulacionom planu "Južna zona" Kalesija.

Ulica „Oslobojilaca Kalesije“ do pružnog prelaza uređivala bi se u smislu postavljanja glavnog vodovodnog, kanalizacionog i oborinskog kraka duž planiranog trotoara, a prema izvedbenom projektu za ulicu „Oslobojilaca Kalesije“ u Kalesiji.

Ulica "Oslobojilaca Kalesije", uređila bi se prema izvedbenom projektu u dužini od 200 m', računajući od urađenog dijela iste u protekloj kalendarskoj godini.

U smislu tekućeg održavanja i popravke oštećenja na izgrađenim cestama, uređivat će se Ulica „Senada Požegića“ (prema Domu zdravlja).

Dio obilaznice koja prolazi kroz "Industrijsku zonu" u Kalesiji (poslovna zona kod "TOK"-a) u dužini od 500 m'.

U naselju Tojšići, uređivat će se javne površine u obimu koji dozvole finansijska sredstva koja se ulažu kao povrat sredstava u sredinu u kojoj su prikupljena po osnovu

naplate naknada za uređenje građevinskog zemljišta i pogodnosti pri građenju – rente.

Član 3.

Ukupna investicija uređenja gradskog građevinskog zemljišta bit će određena u proračunu Općine .

Član 4.

Na ime uređenja gradskog građevinskog zemljišta u ovom području, investitori planiranih objekata imaju uplatiti iznos od 30,2 KM za svaki m² korisne površine izgrađenog stambenog i poslovnog prostora.

Naknada za uređenje gradskog građevinskog zemljišta obračunavat će se u urbanističkoj saglasnosti, a uplaćivat će se na račun općine Kalesija kod Tuzlanske banke broj 1321400291700037 u KM.

Član 5.

Ako se dodjeljuje već ranije uređeno ili djelimično uređeno građevinsko zemljište, korisnik zemljišta obavezan je izmiriti troškove uređenja, neovisno od stepena uređenja.

Visina naknade utvrđuje se u procentima u odnosu na predračunsku vrijednost građevinskog objekta, primjenom cijene m² korisne stambene površine utvrđene Odlukom Općinskog vijeća, i to:

1. za obezbjeđenje prilaza parceli – 0,6%,
2. za obezbjeđenje vode na parceli – 0,3%,
3. za obezbjeđenje kanalizacije na parceli – 0,3%,
4. za obezbjeđenje struje na parceli - 0,3%.

Za područja koja nisu obuhvaćena godišnjim programom uređenja građevinskog zemljišta, a obračunom nije moguće tačno utvrditi stepen opremljenost građevinskog zemljišta, naplaćivat će se paušalan iznos u vrijednosti od **13,5 KM/m²** korisnog prostora objekta koji se gradi, nadziduje ili dograđuje.

Obavezi plaćanja naknade za uređenje građevinskog zemljišta dodijeljenog po prioritetu, ne podliježe član porodice koji je ili čiji su roditelji učestvovali u uređenju tog građevinskog zemljišta putem samodoprinosu ili na drugi način.

Sve olakšice propisane drugim odlukama Općinskog Vijeća Kalesija, primjenjivat će se na maksimalno 100 m² korisnog prostora objekta koji se gradi.

Član 6.

Program uređenja gradskog građevinskog zemljišta stupa na snagu danom objavljivanja u „Službenom glasniku općine Kalesija”.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-218/03
Datum, 31.01.2003. godine

PREDSJEDAVAJUĆI
OPĆINSKOG VIJEĆA
Mehmed Suljkanović, dipl. ecc. s.r.

9

Na osnovu člana 31. 47. i 48. Zakona o građevinskom zemljištu («Službeni list SRBiH», broj 34/86, 9/92, 19/92, 17/93, 6/94 i 13/94), i člana 36. Statuta općine Kalesija («Službeni glasnik općine Kalesija», broj 9/98), Općinsko vijeće na sjednici od 30.01.2003. godine, d o n o s i

R J E Š E N J E

1. Hadžić Aliji sinu Ibrahima iz Kalesije, dodjeljuje se na korištenje građevinsko zemljište u površini od 378 m² što je u naravi dio parcele označene sa kč. broj 72/2 zvana «Kalesija grad» u naravi trafostanica 7m² i pašnjak 3. klase površine 425m² upisana u PL broj 61 KO Kalesija grad po novom premjeru, a po starom premjeru označena kao dio od 378m² od parcele kč. broj 1542/24 upisana u ZK ul. broj 2181 KO Kalesija grad.

2. Nekretnine iz tačke «1» dispozitiva ovog rješenja dodjeljuju se na korištenje po cijeni od 27,00 KM/1m², što ukupno iznosi 10206,00 KM (desethiljadvijestotinešest konvertibilnih maraka), navedeni iznos je postignut neposrednom pogodbom.

3. Zemljišno – knjižni ured i Ured za katastar općine Kalesija izvršit će nakon pravosnažnosti ovog rješenja i uplate navedenih sredstava, uknjižbu prava posjeda i korištenja na nekretninama iz tačke «1»

dispozitiva ovog rješenja u korist Hadžić (Ibrahim) Alije iz Kalesije sa dijelom od 1/1.

O b r a z l o ž e n j e

Dana 28.11.2002. godine ovoj službi obratio se Hadžić (Ibrahim) Alija iz Kalesije sa zahtjevom da mu se dodijeli građevinsko zemljište poblize opisano u dispozitivu rješenja. Uz zahtjev je imenovani priložio dokaz da se nekretnine, koje su u njegovom vlasništvu, na kome je izgrađen ugostiteljski objekat, Motel «Košuta», nalaze uz nekretnine koje su predmet dodjele.

Postupajući po zahtjevu ova služba je ustanovila da se nekretnine koje su predmet dodjele nalaze uz kompleks motela «Košuta» koji je imenovani ranije otkupio, takođe je ustanovljeno da se na nekretninama koje su predmet dodjele od ranije nalazi rezervoar za tečno gorivo koji je služio za upotrebu ugostiteljskog objekta.

Zahtjev imenovanog za dodjelu, je umanjen za dio površine zemljišta na kom se nalazi od ranije postavljena trafostanica i zemljište koje služi za redovnu upotrebu iste.

Obzirom na lokalitet nekretnina koje se dodjeljuju prišlo se dodjeli nekretnina putem neposredne pogodbe iz razloga što podnosioc zahtjeva ima prvenstveno pravo korišćenja odnosno otkupa istih u smislu člana 31. Zakona o građevinskom zemljištu jer iste služe za redovnu upotrebu ugostiteljskog objekta .

Iz svega izloženog odlučeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Tuzli u roku od 30 dana od dana prijema ovog rješenja.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-261/03
Datum, 31.01.2003. godine

PREDSJEDAVAJUĆI
OPĆINSKOG VIJEĆA
Mehmed Suljkanović, dipl. ecc. s.r.

OPĆINSKI NAČELNIK**10**

Na osnovu člana 63. stav 2. Zakona o upravi FBiH («Sl. novine FBiH», broj 28/97), člana 47. stav 1. Zakona o radnim odnosima i plaćama službenika organa uprave u Federaciji Bosne i Hercegovine («Sl. novine FBiH», broj 13/98) i člana 44. Statuta općine Kalesija («Sl. glasnik općine Kalesija», broj 9/98 i 5/99), Općinski načelnik Kalesija, dana 28.01.2003. godine, do n o s i

R J E Š E N J E

o razrješenju šefa Službe za poduzetništvo, budžet, stambeno-komunalne i inspeksijske poslove

I

HADŽIĆ DŽEVAD sin Salke dipl. ing. maš. iz Memića, razrješava se dužnosti šefa Službe za poduzetništvo, budžet, stambeno-komunalne i inspeksijske poslove.

II

Imenovani se razrješava na lični zahtjev zaključno sa 03.02.2003. godine.

III

Ovo Rješenje stupa na snagu danom donošenja i biće objavljeno u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKI NAČELNIK
Enver Jukanović s.r.

11

Na osnovu člana 63. stav 2. Zakona o upravi FBiH («Sl. novine FBiH», broj 28/97), člana 47. stav 1. Zakona o radnim odnosima i plaćama službenika organa uprave u Federaciji Bosne i Hercegovine («Sl. novine FBiH», broj 13/98) i člana 44. Statuta općine Kalesija («Sl. glasnik općine Kalesija», broj 9/98 i 5/99), Općinski načelnik Kalesija, dana 28.01.2003. godine, do n o s i

R J E Š E N J E

o postavljenju vršioca dužnosti šefa Službe za poduzetništvo, budžet, stambeno-komunalne i inspeksijske poslove

I

KARIĆ ISMET, ekonomista iz Kalesije, postavlja se za vršioca dužnosti šefa Službe za poduzetništvo, budžet, stambeno-komunalne i inspeksijske poslove.

II

Imenovani se postavlja na period do primjene Odluke o organizaciji općinskih službi za upravu, a najduže do šest mjeseci.

III

Ovo Rješenje stupa na snagu danom donošenja i biće objavljeno u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKI NAČELNIK
Enver Jukanović s.r.

Broj: 02-05-2-304/03
Datum, 03.02.2003. godine
